

مطبعه رحل اراره :

جمال اوغلنده امنيت
مندوغي جوارنده
شكول يقوشنده
۲۵ نومبر

مستقل قلم

مسلکمزموافق آثار
جدیده مع المنونبه
قبول اولنور

درج ایدله یین آثار اعاده اولنماز

دین ، فلسفه ، علوم ، حقوق ، ادبیات تاریخ ، سیاست و بالخاصه احوال و شئون اسلامیه و بحث ایدر و هفته ده بر نشر اولنور .

صاحب و مؤسسلری :

ابوالعلا زین العابدین - ح . اشرف ادیب

تاریخ تأسسی

۱۰ تموز ۱۳۲۴

درسمادنده نسخہ سی ۵۰ باره در

قیرلہ دن مقوا بورو ایله کوندربلیرسه سنوی

۲۰ غروش فضلہ آلنیر

آبونه بدلی

سنہ لکی

ممالک عثمانیہ ایچون	۶۵	۳۵	غروش
روسیہ	۶۵	۳۵	روبلہ
سائر ممالک اجنبیہ	۱۷	۹	فرانک

عدد : ۱۵۴

۲۱ شعبان المعظم ۱۳۲۹ پنجشنبه ۴ اغستوس ۱۳۲۷

آلتنجی جلد

مسلمانانک دینیت

مسلمانانک دینلره قارشو اولان وجیهلری

— مابعد —

الله عشقنه اولسون ، شو کریم روحلره ، شو سمیح یورکلره
باقیکزده مسلمانانک عربلرک ، اوبروقت جهالتلری امثال صیره سنه
کچمش اولان خشین قومک قلبنده نه بویوک برانقلاب حصوله کتیرمش ؛
بوتون ابنای بشر آره سنده بویوک یوکسک حسلرک ، نجیب دوشونجه
لرک اصلا طانیلمادینی برزمانده فصل اولمش ده نوراسلام اولنلری بویله
سیای مکارمک جاذبه دار ضیاسی ، تعصبسز لرک جانلی دلیلی مرتبه لرینه
یوکسکتمش کوریکز .
آره لرنده بولنان ادیان سائر اصحابنه قارشو مسلمانانک کوستر-
دکلری حسن معاشرته کلنجه : بوتون تاریخ انسانیت بونک بر نظیری یاد
ایتمور . اوت ، بونلرک کندی لرینه مخالف عقیده طاشیانلرله اولان
معاشرتلری اودرجه به وارمشدی که عینی صلیدن اینمش ، عینی عائله ایچنده
یتشمش ایکی اوزقاردش آره سنده بیله کوزل کچنمه ند ، بودورلوسی کوریله مز-
مجاهد دیورکه : « عبدالله بن عمرک آونده ایدم . کوله سی قویون
یوزویوردی . عبدالله ، کوله یه قویونی یوزنجه ات طاغیتمه یه قومشومز
یهودیدن باشلا دیدی ؛ هم بواصرینی برقاچ دفعه تکرار ایتدی . کوله
اکلادم قاچ دفعه سویله جکسک ! دینجه ، علیه الصلاة والسلام اقدیمز
بزه دائم قومشوریمیزی وصیت ایدر طوروردی . حتی وارث ایده جک
دیهه قورقشوق ، جوانی ویردی . »

آرتق مسلمانانک شو عقللری طوردوران بویوکککریله ممالک
متمدنه خفی ، علنی هرکون تأسس ایدن ، مقصد تأسسلری ده
یهودیلری آروب بیتیرمکدن باشقه برشی اولمایان کوچوکککرینی
یان یانه کتیریکز !

بیلم . شومقاله ده ایراد ایتدیکمز دلائلدن ، وثائقن صوکرده ده
برآلای مخلوقات سفیله مسلمانلری تعصب دینی تهمتیله ، سائر ملنلره
قارشو کبزی عداوت بسله مک شناعتیله اتهامه جرأت ایده بیله جکمی ؟
مدنی مملکتلرده هرکون تعصب دینی یوزندن او یله فجیعهلرک وقوعنی
ایشیدییورز که تو یلریمز اورپریمور . عجبا مسلمان مملکتلرک
بریسنده غیرمسلم برجماعت علیهنده تشکل ایتمش بر جمیتک ظهوری
ایشیدلمشیدر ؟ . اصلا .
فصلی بیتیرمزدن اول قارئیمزه شونی بیلدیرمک ایسته یورز که :
مسلمانانک اون اوج عصردن بری نزاهت قطعه ایله منز اولدیغنی
براهین ایله اثبات ایتدیکمز تعصب دینی دیگر ملتلرک او یله محکم بر
عادتی ، او یله مزمن رعیتی ایدی که - بوسبوتون ازاله سنه دییه میه جکم-
تحقیقه انجق برعصره یاقین زماندن بری موفق اوله بیلدیلر . ایشته
حکیم شهر (ژول سیمون) (حریت اعتقاد) نده شوسوزلری سویلیور :
« حریت ادیان اوقسدر اسکی برشی دکلر . زیرا بوتون تاریخ
انسانیت تعصب دیندن عبارتدر . حریتدن اول اولان بوتعصب ،
بوخصاصات دینه تاریخک الکاسکی دورلرینه قدر چیقار . « فیلسوف
قرون اولادن قرون وسطایه قدر یوزندن میدانه کلن فلاکتلری
صایدقن صوکره دیورکه : « فلسفه حریت ادیانی وضعه ۱۷۸۹
آغوستوسنده موفق اولدی . لکن بواصل عادل انجق ۱۷۹۱ سنه سنده تحق
ایده بیلدی که اوده یهودیلرک مظالمدن تخلیصیدر . بونکله برابر فرانسه انقلابی
حسن اداره دن محروم اولدینی ایچون حریت دینه تأسیس ایده مدی . »
بیلم که آرتق کوکسمزی کره کره :

یاشاسین دین مدنیت اولان دین اسلام !

صداسنی یوکسکتمکده حقلی دکلری ؟ مؤلفی محمد فرید وجدی

مترجمی

محمد عاکف